

'Mbriacu d'amuri

A lu sulu pinzeru
ca quannu senti 'a me vuci,
ti canta u cori, m'arricriu tuttu.
Vulissi gridari: "Lu me cori vidè".

L'anima è to, nun t'ha pigliu
ma l'amuri to tuttu lu vogliu
nun t'haiu fatti carizzi ne vasatu
'stu cori è pazzu di tia 'namuratu.

'Mbriacu sugnu d'amuri.
Di lu suli a la luna
vogliu ristari cu tia abbrazzatu,
cu lu sciavuru to 'mpicccatu.

Chianciu pinzannu a tia, ca nun ti pozzu aviri,
arridu e godu, nni lu sonnu, mentri dormu,
cu l'occhi chiusi di lacrimi vagnati
ti linchiu di carizzi e di vasati.

U cori me si lamenta
ca dormu picca e nun ti po pinzari.
L'apa cu lu meli,
eccu accussì ti vulissi amari.

Un chiovu nni la menti haiu appizzatu,
nun ti l'haiu dittu, ma t'haiu sempri amatu.

2015 Giuseppe Cardella